

88

14. ágúst

3. gr.
Skyldi sjúkrahúsbygging á Suðurlandi dragast svo lengi, að sjóður þessi ná því að verða 10000.00 krónur áður en spítali er reistur, er heimilt að verja 5000.00 kr. til sjúkrahúsbyggingar, og vöxtum af hinum öðrum 5000.00 kr., sem og árlegu tekjunum til hjúkrunarstarfa eða áhaldakaupa, svo sem áður er tekið fram.

4. gr.

Kvenfélagið á Eyrarbakka hefur á hendi fjárhald sjóðsins á meðan það er til. Það ræður einnig hvernig því er varið, sem útbýtt kann að verða, en hefur þó í ráðum með sér lækni, sýslumann og prest, er hér starfa, sem embættismenn. Eða ef þessi embætti verða lögð niður, þá menn þá, er koma í þeirra stað. Svo skal og þeim mönnum falin umsjón sjóðs þessa, ef kvenfélagið hættir að vera til.

5. gr.

Ávallt skal kosta kapps um að ávaxta sjóð þennan á vel tryggum stað, en þó jafnframt nota þá hæstu vexti, sem bjóðast á hverjum tíma, t. d. keypt fyrir sjóð þennan bankavaxtabréf, eða önnur bréf, sem vel eru trygg, en gefa þó af sér góðan arð.

6. gr.

Reikning yfir eignir sjóðsins skal semja í janúarmánuði ár hvert, og að því búnu senda lækni og sýslumanni til endurskoðunar. Síðan sé hann lesinn upp á kvenfélagsfundi.

7. gr.

Breytingar á reglum þessum getur kvenfélagið gert, en þó því aðeins, að það sé með samþykki $\frac{2}{3}$ — fjögurra fimmtu hluta — allra kvenfélagskvenna, þó er algerlega undanskilin breyting á að færa niður upphæðirnar 2500 kr. og 5000 kr., sem nefndar eru í 2. gr.

Með skipulagsskrá þessari er niður felld skipulagsskrá nr. 112 12. nóvember 1917 (Stjórnartíðindi B-deild 1917, bls. 305—306).

89

15. ágúst

SAMPYKKT

fyrir Vatnsveitufélag Bræðratunguhverfis í Biskupstungnahreppi.

1. gr.

Félagið heitir Vatnsveitufélag Bræðratunguhverfis. Heimili þess og varnarþing er í Biskupstungnahreppi, Árnessýslu.

2. gr.

Tilgangur félagsins er að sjá býlum á félagssvæðinu fyrir vatni.

3. gr.

Stofnendur félagsins eru ábúendur býlanna Bræðratungu I, Bræðratungu II, Ásakots I og Ásakots II.

Hver stofnandi greiðir tvö þúsund krónur sem stofngjald og telst hann ekki fullgildur félagsmaður, fyrr en það stofngjald er greitt. Allt vatn í fjós, þvottahús og önnur þau hús, er heyra búrekstri jarðarinnar til, telst undir sama stofngjald og íbúðarhús.

Félagsskylda samkv. 1. mgr. þessarar greinar er því skilyrði háð, að ábúanda séu látin í té afnot af vatni því, sem félagið hefur til umráða.

4. gr.

Ábúendur annarra býla svo og væntanlegra nýrra býla á félagssvæðinu má taka í félagið með samþykki lögmæts aðalfundar.

Nýr félagismaður greiðir sama stofngjald og eldri félagar og öll gjöld, sem á félaginu hvíla til jafns við aðra félagsmenn frá því, er hann gekk í félagið. Sjálfur skal hann kosta allar framkvæmdir, sem gera verður sérstaklega hans vegna til þess, að hann geti notað mannvirki félagsins.

5. gr.

Stofnkostnaði af upphaflegri aðalleiðslu vatnsveitunnar skal að jöfnum hlutum greiða fyrir hvert býli á félagssvæðinu. Skal hann greiddur af stofngjöldum félagsmanna, þar sem þau hrökkva til og styrk, sem veittur kynni að verða til vatnsveitunnar.

Vatnsskatt skal innheimta árlega af hverju býli á félagssvæðinu, sem vatns nýtur úr vatnsveitunni. Skal félagsstjórnin tiltaka upphæð hans þannig fyrir hvert reikningsár, að nægi til greiðslu vaxta og afborgana stofnkostnaðar aðalleiðslu vatnsveitunnar og til viðhalds.

Gjöld samkv. 2. mgr. þessarar greinar má taka lögtaki ásamt áföllnum innheimtukostnaði, ef ekki er staðið í skilum um greiðslu gjalda til félagsins. Eignir félagsins standa til fullnægingar skuldbindingum þess. Enginn félagismaður ber ábyrgð á skuldbindingum félagsins umfram gjöld þau, sem honum er gert að greiða til félagsins samkvæmt ákvæðum þessarar samþykktar.

6. gr.

Félagsstjórn er skylt að boða til félagsfundar, ef þrír félagar eða tveir stjórnarmeðlimir krefjast þess, enda greini þeir tilefni kröfunnar.

7. gr.

Félagsfundur er lögmætur, ef helmingur félagsmanna sækir hann, enda hafi verið löglega til hans boðað. Fundur er löglega boðaður, ef hverjum félagsmanni er tilkynnt fudarboðið bréflega eða persónulega með fimm daga fyrirvara.

Á félagsfundum hafa allir félagsmenn jafnan rétt og ræður afl atkvæða úrslitum.

8. gr.

Aðalfundur félagsins skal haldinn eigi síðar en 1. apríl ár hvert. Til hans skal boða með viku fyrirvara, bréflega eða persónulega.

Aðalfundur er lögmætur, ef $\frac{3}{4}$ félagsmanna sækja hann. Hafi þrisvar sinnum verið boðað til aðalfundar vegna ónógrar fundarsóknar, telst þriðji fundurinn lögmætur, hver sem fundarsókn er.

Á aðalfundi skulu teknar ákvarðanir um starfsemi félagsins á árinu, lagðir fram endurskoðaðir reikningar þess og kosnir þrír menn í stjórn félagsins og tveir endurskoðendur til eins árs í senn.

Liggi önnur mál fyrir aðalfundi en venjuleg aðalfundarstörf, skal þess getið í fundarboði.

9. gr.

Stjórn félagsins skiptir sjálf með sér verkum. Störf stjórnar og endurskoðenda skulu vera ólaunuð. Formaður kveður stjórnina saman til fundar og boðar félagsfundi og aðalfundi. Stjórnarfundir eru því aðeins lögmætir að allir stjórnarmenn séu mættir.

Færa skal gerðabók stjórnarfunda og skal ritari stjórnarinnar lesa fundargerð í lok hvers fundar og undirrita hana, ásamt formanni, þegar hún hefur verið samþykkt.

89

15. ágúst

Stjórn félagsins hefur umsjón með vatnsveitunni, annast reikningshald hennar og innheimtu á gjöldum til félagsins. Hún sér um viðhald og viðgerðir á vatnsbóli og aðalleiðslu.

Viðhald heimæða og umbúnað í húsum annast félagsmenn hver hjá sér.

11. gr.

Samþykkt þessari má ekki breyta, nema á aðalfundi, enda hafi breytinganna verið getið í fundarboði og séu að minnsta kosti $\frac{2}{3}$ félagsmanna samþykkir þeim.

Samþykkt þessi, sem samin er og samþykkt af vatnsveitufélagi Bræðratungu-hverfis í Biskupstungnahreppi, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 15. ágúst 1961.

F. h. r.

Hjálmar Vilhjálmsson.

Hallgrímur Dalberg.

90

18. ágúst

SAMÞYKKT

fyrir Veidifélag Vatnsnesinga.

1. Félagið heitir Veidifélag Vatnsnesinga. Heimili þess og varnarþing er Þorgrímsstaðir, V.-Húnavatnssýslu.
2. Félagið nær til allra jarða, sem land eiga að Tjarnará og Þorgrímsstaðaá til upptaka, en þær eru Gnýsstaðir, Tjörn I, Tjörn II, Tunga, Ásbjarnarstaðir I, Ásbjarnarstaðir II, Þorgrímsstaðir og Engjabrekka.
3. Verkefni félagsins er að viðhalda góðri fiskgengd á félagssvæðinu og að starfrækja aðeins stangarveiði. Félagið tekur til allrar veiði á félagssvæðinu.
4. Stjórn félagsins skipa þrjú menn, formaður og tveir meðstjórnendur. Skulu þeir kosnir á aðalfundi til þriggja ára í senn. Ganga þeir úr stjórninni á víxl þannig, að formaður gengur út eftir eitt ár, annar meðstjórnandinn eftir tvö ár, og hinn eftir þrjú ár, og helzt svo sama röð áfram. Enginn atkvæðisbær félagsmaður getur skorazt undan endurkosningu, nema sérstök forföll hamli, eða að hann hafi verið í stjórn í þrjú ár. Kjósa skal tvo varamenn og tvo endurskoðendur til tveggja ára í senn, þannig að annar varamaðurinn og annar endurskoðandinn gangi út annað árið, og hinir hitt árið.
5. Stjórnin hefur á hendi allar framkvæmdir félagsins milli aðalfunda. Hún fær menn sér til aðstoðar við þau störf í þágu félagsins, sem vinna þarf á hverjum tíma, og semur við þá um þóknun fyrir. Formaður er fulltrúi félagsins út á við og hefur yfirumsjón með öllum störfum félagsins og fjárreiðum.
Óheimilt er öllum að veiða á félagssvæðinu, nema með sérstöku skriflegu leyfi félagsstjórnarinnar. Í leyfinu skal tekið fram um veiðitíma og veiðitæki, og með hvaða kjörum leyfið er veitt.
6. Aðalfund skal halda í marz—aprílmánuði ár hvert. Á aðalfundi skýrir stjórnin frá störfum félagsins á liðnu starfsári og leggur fram tillögur um starfsemi